



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatvs De Necessitate Et Modo Ministrandi
Sacramenta Tempore pestis**

Chapeauville, Jean

Mogvntiæ, 1612

22. An etiam illis, qui volunt confeßionem generalem facere?

urn:nbn:de:hbz:466:1-41077

SACR. POENIT. TEMP. PEST. 259
tessē non sit, ut in pluribus peccatis audiē-
dis longam morā trahat, per ea quæ ante
diximus, & in posterum dictū sumūs.

Dices. Si sacerdos sacrificās morbo cor-
tipiatur, sacerdos succedens debet omnia
omissa perficere, ut ex Conciliis & decretis
pluribus colligi potest: ergo & pastor suc-
cedens debet peccata, quæ restant confi-
tenda, audire, & beneficium absolutionis
impendere.

R: Ita ordinariē fieri debere, quamvis
inter ista duo sacramenta sit magna diffe-
rentia, ut ex ante dictis facile est colligere.

Q V A E S T I O X X I I .

An etiam illis, qui volunt confessionem gene-
ralem facere?

Quæstionis explicatio.

Frequens est, aliquem velle in mortis
articulo confessionem generalē facere:
tunc enim oculos mentis, quos erubescen-
tiā mundana clausit, timor diuini iudicii &
gehennæ aperte solet, nec tunc difficulter
quis adducitur, ut ruborem breuem apud
vnum hominem patiat, quo Dei & Sæcto-
rum omniū confusionē perpetuā euadere
possit: Huiusmodi occasione queritur, an
pastor teneatur huiusmodi generales con-

R 2 confessio

Tolet. 7. c. 3.
Tolet. 11. c. 13
refertur 7. q.
I. c. nihil. &
cap. illud.

260 DE NECES. ET MOD. MINIST.
fessiones tempore pestis excipere, an vero
excusetur?

Reſponſio.

Excusabitur regulariter, si haec concur-
rant. Primum, quia aduertit peste in-
fectum concepisse cōtritionem vel attriti-
onem suorum peccatorum. Secundum,^{q̄d} timet pastor, ne ipse peste infectus deficiat,
nec voluntati suæ satisfacere possit, ppter
maximum, quod ipsi imminet, mortis in-
stantis periculum. Tertium, quia multi pe-
ste infecti audiendi sunt, & sanis seruen-
dum, & quādam similia. His enim positis,
sufficiat audire vnum duo vel tria peccata,
cum confessione generica reliquorum, &
illi beneficium absolutionis impendere:
Neque obstat, quod confessio non videat
integram, quia sufficit esse integrum, si non
materialiter, saltem formaliter, vult enim
omniū omnino peccatorum confessionem
facere, si nullum præberetur impedimentum,
quod sufficit ad hoc, ut confessio
censeatur integra.

Dices. Quid si æger penitus non fidat
conscientiæ suæ, nili integre confiteatur,
etiam materialiter, tenebiturne pastor in-
tegram & generalem omniū omnino pec-
catorum confessionē in tali casu excipere?

B. Non

R. Non tenebis, sed poterit paucis conscientiam ægroti pœnitentis melius informare: quamuis si nullus aliis sit in maiori necessitate, laudabiliter facturus sit pastor, si illius yoto satisfaciat, vitam corporalem pro illius quiete exponendo, per illa, quæ primo capite diximus.

Q V A E S T I O XXIII.

Quis sit optimus & maxime probandus modus ministrandi hoc sacramentum tempore pestis?

Quæstionis explicatio.

C Onsueta methodo dixim⁹ de ministris primum, deinde de iis, quib. ministrandū est hoc sacramentum, subiectis resolutionibus quæstionum & excusationum, propter quas videri potuisset, non esse necessarium, peste infectis illud ministrare, Restat ut de modis ministrandi agamus: in his n. magna varietas reperiri solet, propter varia, quæ periculum, tum ministrantium tum suscipientium, in hoc casu suggerere solet. Et in primis inquirendum, quis censeri debeat optimus modus ministrandi hoc sacramentum in præsenti casu?

R 3

Responso.